

Бир дугонам ўз эрига хиёнат қилган эди.

15:40 / 26.04.2016 6663

Бир дугонам ўз эрига хиёнат қилган эди. Унинг 3 фарзанди бор. Кейинроқ эса у ўз хатосини тушуниб етди шеклли, энди динга қайтди ва ибодат қилмоқда. Худо унинг гуноҳларини кечирармикин?

Албатта, бу жуда ачинарли бир савол. Уни эшитган ўқиган, хабардор бўлган, имон эътиқодли ҳар бир одамни ларзага соладиган бир ҳолат. Уч боласи, уч онанинг боласи бўлиб туриб, ўзи оилалик эри бўла туриб зино қилиш албатта катта жиноят ҳисобланади. Бу катта хиёнат, улкан жирканчлик ҳисобланади. Аллоҳ субҳонаҳу ва таоло бундай нарсалардан Ўзи сақласин. Бу саволни иккинчи қисмидаги ҳолат албатта ўша жиноятни содир этган аёлни тавба қилиши, динга қайтиши, ибодат билан машғул бўлиши билан бўлаяпти, бу албатта умидворлик ато қиладиган бир ҳолат ҳисобланади. Ҳозирги кунда зино собит бўлганда ҳам унинг шаръий жазосини қўллаш дунё бўйича деярли йўқ бир ҳолатда, жуда бир нодир ҳолатларда бўлмаса буни татбиқи йўққа айланиб қолган. Шунинг учун чет элларда ҳам кўпинча мана шу савол уламоларга берилади. Баъзи вақтларда шу зинокорларнинг ўзлари эътироф қилиб беришади. "Мен зино қилганман, буни қанчалик жиноят эканлигини тушуниб етдим, энди бу дунёда жазоимни олишим керак деган тушунчадаман, буни қандай қилса бўлади?" деган саволларни беришади. Шунда уламоларимиз айтадики "ҳозир шаръий жазони қўллаш йўқ, шунинг учун сизга қиладиган тавсиямиз, насиҳатимиз чин қалбдан ўксиниб, бу қилинган гуноҳга тавба қилинг, тавбангиз ҳақиқий бўлсин, доим надоматда бўлинг ва кўпроқ Аллоҳга истиффор айтиб, ибодатда бардавом бўлинг, нафл ибодатларни кўп қилиб, гуноҳингизни кечирилишини сўранг, ундай гуноҳларни кечирадиган Аллоҳ таолонинг Ўзидир". Аллоҳ субҳонаҳу ва таоло Қуръони каримда ширкдан бошқа гуноҳларни кечиритишни эслатиб ўтган. Бундай кишилар гуноҳини тушуниб етганда дарҳол тавба қилишлари, гуноҳни тарк этишлари, Аллоҳга ёлборишлари, истиффор айтишлари ва иккинчи марта у гуноҳга қайтмасликлари керак. Ана ундан кейин ҳолатлари, ишлари Аллоҳ таолонинг Ўзига ҳавола қилинади. Парвардигори олам "/офур"- гуноҳларни маффираат қилувчи, "Раҳим" -бандаларига раҳим қилувчи Зот ана ундан умидвор бўлиб ўтилади, буёғи Аллоҳ таолонинг Ўзига ҳавола, Аллоҳ Ўзи билади. Парвардигори олам мўмин-мусулмон бандаларини мана шундай тойилишу залолат, гуноҳу исёнлардан Ўзи

асрасин ва бандалик қилиб, заифлик қилиб шундай гуноҳларни содир этганларни тезда тавбага юзланишларида, Аллоҳ таолонинг Ўзидан мағфират сўраб тўғри йўлда собит қадаи бўлишларида Парвардигори оламнинг Ўзи ёрдамчи бўлсин.